



Pranuar / Dorezuar Punjenj/Prodato Received/Delivered	06.11.2023	3	viti god year
Organ / Njësia Organ / Jednica Org / Unit	Nr Prot Br Prot Prot No	Shtesja Prilog Appendix	Sasia Kolicina Quantity
SKIMSHCK	6886/2023		115



Republika e Kosovës  
Republika Kosova - Republic of Kosovo

KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS  
NEZAVISNI NADZORNI ODBOR CIVILNE SLUŽBE KOSOVA  
INDEPENDENT OVERSIGHT BOARD FOR THE CIVIL SERVICE OF KOSOVO

A nr. 1180/2023

Këshilli i Pavarur Mbikëqyrës për Shërbimin Civil të Kosovës - Kolegji për Shqyrtimin dhe Vendosjen e Ankesave në përbërje nga: Malsore Gashi - Bajraktari-kryetare, Arditë Haxhnikaj-Demi, dhe Arben Mehmeti, anëtarë me Rushit Kajtazi- Zyrtar i Lartë për Bashkëpunim Profesional në cilësinë e procesmbajtësit, në procedurë sipas ankesës A.nr.1180/2023 të datës 19.09.2023 të parashtruar nga ankuesja kundër organit të punësimit/Ministria e Punëve të Brendshme/ Departamenti për Menaxhimin e Zyrtareve Publik, në çështjen juridike "kontestim konkursi", duke vepruar në pajtim me nenin 6 paragrafin 1 nën paragrafin 1.1 dhe nenin 18 paragrafin 1 nën paragrafin dhe 1.1 të Ligjit Nr. 06/L-048 për Këshillin e Pavarur Mbikëqyrës për Shërbimin Civil të Kosovës, dhe Rregulloren Nr.02/2018 për Procedurën e Shqyrtimit dhe Vendosjes së Ankesave në Këshillin e Pavarur Mbikëqyrës për Shërbimin Civil të Kosovës, në seancën për këshillim dhe votim, me datë 06.11.2023, mori këtë:

V E N D I M

- I. Refuzohet si e pabazuar ankesa A.nr.1180/2023 e datës 19.09.2023 e parashtruar nga ankuesja
- II. Mbetet në fuqi Vendimi me numër Nr.27/2023 i datës 29.08.2023 i Udhëheqëses së Divizionit për Zhvillimin e Rekrutimit dhe Inspektimit e Departamentit për Menaxhimin e Zyrtareve Publik në Ministrinë e Punëve të Brendshme.

A r s y e t i m

Ministria e Punëve të Brendshme më datë 11.07.2023 ka njoftuar për shpalljen e konkursit me Nr. Referencë: RN00012041 për grupin *Specialist të Përgjithshëm të Shëndetësisë/ Mjekësisë* respektivisht për pozitën "Inspektor Shëndetësor", ku afati për aplikim ka qenë nga data 01.08.2023 deri më datë 09.08.2023. Në këtë konkurs ka aplikuar edhe ankuesja, ku më datë 21.08.2023 nga Zëvendësuesja e Udhëheqëses së Divizionit për Zhvillimin e Rekrutimit dhe Inspektimit i është refuzuar, aplikacioni për shkak mos plotësimit të kriteret e konkursit gjegjësisht ankuesja nuk e ka dorëzuar dëshminë e kërkuar sipas konkursit pasi përvoja e punës është deklaruar në sektorin privat me të cilën ka qenë e nevojshme një vetdeklarim i nënshkruar



se ajo nuk ka ndonjë mase disiplinore në fuqi për largim nga një pozite e zyrtarit publik të pushuar sipas Ligjit Nr.06/L-114 për zyrtar Publik

Ankuesja kundër këtij vendimi, ka parashtruar ankesë tek Departamenti për Menaxhimin e Zyrtarëve Publik, ndërsa, më datë 29.08.2023 përmes vendimit me numër 27/2023 Zëvendësuesja e Udhëheqëses e Divizionit për Zhvillimin e Rekrutimit dhe Inspektimit në DMZP, ka refuzuar ankesën e ankueses si te pa bazuar.

Ankuesja kundër Vendimit me Nr.27/2023 të datës 29.08.2023 të Zëvendësueses së Udhëheqëses së Divizionit për Zhvillimin e Rekrutimit dhe Inspektimit në DMZP, më datë 19.09.2023 ka parashtruar ankesë më numër protokoli 6149/2023 në Këshillin e Pavarur Mbikëqyrës për Shërbimin Civil të Kosovës me pretendim ankimor se ankuesja i ka bashkangjitur të gjitha dokumentacionet ndërsa sa i përket vetdeklarimit kam menduar se nuk kërkohet nga une se nuk kam pasur asnjëherë mase disiplinore.

Këshilli i Pavarur Mbikëqyrës për Shërbimin Civil të Kosovës (me tej KPMSHCK) bazuar në dispozitat e Rregullores Nr.02/2018 për Procedurën e Shqyrtimit dhe Vendosijes së Ankesave, me datë 22.09.2023, ka proceduar kërkesën për përgjigje në ankesë të Ministria e Punëve të Brendshme/Departamenti për Menaxhimin e Zyrtarëve Publik, ndërsa me datë 12.10.2023, nga kjo e fundit ka pranuar përgjigjen në ankesë se bashku me shkresat e bashkangjitura të lëndës.

Kolegji për Shqyrtimin dhe Vendosijen e Ankesave, ka administruar këto prova: Ankesën A.nr. 1180/2023 të datës 19.09.2023; drejtuar Këshillit; Vendimi me numër protokoli nr. 71/2023, i datës 21.08.2023, i Udhëheqëses së Divizionit për Zhvillimin e Rekrutimit dhe Inspektimit në Ministrinë e Punëve të Brendshme/Departamenti për Menaxhimin e Zyrtarëve Publik; Vendimi me numër protokoli nr. 27/2023, i datës 29.08.2023, 2023 i Udhëheqëses së Divizionit për Zhvillimin e Rekrutimit dhe Inspektimit në Ministrinë e Punëve të Brendshme/Departamenti për Menaxhimin e Zyrtarëve Publik; Konkursi i datës 11.07.2023; Vendimi me numër protokoli 02/161, i datës 25.09.2023; Lista e aplikantëve; Njoftimi i datës 21.08.2023; Njoftimi i datës 29.08.2023; Aplikacioni i me shkresat e bashkangjitura; Diplomë me numër protokoli 168, e datës 10.02.2021; Diplomë me numër protokoli 1007, e datës 24.11.2015; Certifikatë e datës 24.04.2022; Certifikatë e muajit qershor të vitit 2019; Dëshmi nga trusti për periudhën 11.01.2015, deri me datë 27.07.2023; Kontratë e punës e datës 01.01.2020; Përgjigje në ankesë me numër protokoli 1180/2023, e datës 12.10.2023.

Kolegji për Shqyrtimin dhe Vendosijen e Ankesave, pas shqyrtimit të gjitha shkresave të lëndës të parashtruara nga palët në procedurë, ka konstatuar se ankesa e ankuesit, *është e pabazuar, sepse:*

Ankuesja kundër Vendimit me Nr.27/2023 të datës 29.08.2023 të Zëvendësueses së Udhëheqëses së Divizionit për Zhvillimin e Rekrutimit dhe Inspektimit/DMZP, më datë 19.09.2023 ka parashtruar ankesë më numër protokoli 6149/2023 në Këshillin e Pavarur Mbikëqyrës për Shërbimin Civil të Kosovës me pretendim ankimor se ankuesja i ka bashkangjitur të gjitha dokumentacionet gjegjësisht ka dorëzuar dokumente me shumë se që është kërkuar në konkurs, ndërsa sa i përket vetdeklarimit kam menduar se nuk kërkohet nga unë se nuk kam pasur asnjëherë mase disiplinore.



Kolegji i Këshillit, konstaton së në konkursin Nr. Referencë: RN00012041 për grupin *Specialistë të Përgjithshëm të Shëndetësisë/Mjekësisë* respektivisht për pozitën *Inspektor i Shëndetësisë*, kriteret e përgjithshme formale kanë qenë:

- *Arsimimi i kërkuar: Diplomë/a e arsimit të lartë me së paku 3 vite të studimeve në fushat; Mjekësi e Përgjithshme, Mjekësi tjetër dhe Menaxhim Mjekësore;*
- *Përvoja e punës: Se paku dy (2) vite përvojë pune profesionale në fushën për të cilën zhvillohet procedura për plotësimin e pozitë së lirë të punës.*

Në pikën 7 të këtij konkursi si dokumentacioni që duhet paraqitur për aplikim janë: *Kopjet e diplomave të dhëna nga institucionet arsimore, nostrifikimin apo aktin që dëshmon se diploma e marre jashtë vendimit është ne procedure te nostrifikimit; Kopjen e dëshmisë së punësimit të bashkëngjitur se paku një dëshmi mbështetëse si ne vijim:; pasqyrën pagesave te fondit te kursimeve pensionale ; kopjen e licencës për ushtrim te pavarur te veprintarisë shëndetësore; Kopjet e dëshmisë së trajnimeve te ndjekura apo trajnimeve qe aplikuesi i ka realizuar ne cilësinë e trajnuesit; Dëshmi mjekësorë se kandidati është ne gjendje shëndetësore për te kryer detyrat; Certifikatën /vërtetimin nga Gjykata ose Këshilli Gjyqësorë i Republikës se Kosovës me të cilin dëshmohet se nuk jeni dënuar me vendim te formës se prere për kryerjen e një vepre penale me dashje jo me te vjetër se gjashte (6) muaj nga data e lëshimit; ; Nëse kohëzgjatja lidhur me përvojën e punës, është ne sektorin publik, atëherë është i nevojshëm vërtetimi nga institucioni ku ka punuar kandidati me te cilin dëshmohet se ai nuk ka një mase disiplinore ne fuqi për largim nga një pozite e zyrtarit publik te pushuar sipas ligjit Nr.06/L-114 për Zyrtar Publik; Nëse përvoja e punës e deklaruar është ne sektorin privat brenda apo jashtë vendit ne një OJQ brenda apo angazhimi nga i cili rrjedhe përvoja e punës ne ndonjë forme e marrëdhënies kontraktuale qe nuk nënkupton marrëdhënie pune, atëherë është i nevojshëm një vete deklarim i nënshkruar se ajo nuk ka një masë disiplinore ne fuqi për largim nga një pozite e zyrtarit publik te pushuar sipas ligjit NR.06/L për zyrtar Publik.*

Në kuptim të kërkesave të përgjithshme formale për pranimin e zyrtarëve publikë të paraparë me nenin 8 të Ligjit Nr. 06/L-114 për Zyrtarët Publikë, konkretisht me paragrafin 1, përcaktohet se: *“Kërkesat e përgjithshme për pranimin e zyrtarëve publikë janë: 1.1. të jetë shtetas i Republikës së Kosovës; 1.2. të ketë zotësi të plotë për të vepruar; 1.3. të zotërojë njërën nga gjuhët zyrtare, në pajtim me Ligjin për Gjuhët; 1.4. të jetë i aftë në pikëpamje shëndetësore për të kryer detyrën përkatëse; 1.5. të mos jetë i dënuar me vendim të formës së prerë për kryerjen e një vepre penale me dashje; 1.6. të mos ketë në fuqi një masë disiplinore për largim nga një pozitë e zyrtarit publik, të pushuar sipas këtij ligji”,* ndërsa sipas nenit 12 paragrafi 2 të Rregullores (QRK) Nr.16/2020 për Pranimin dhe Karrierën në Shërbimin Civil të Republikës së Kosovës, i cili përcakton se: *“2. Së bashku me aplikacionin për pjesëmarrje në procedurën e konkurrimit, kandidatët duhet të bashkëngjitin edhe dokumentacionin si në vijim: 2.1. kopjet e diplomave të dhëna nga institucionet arsimore; 2.2. kopjet e dëshmisë së punësimit, dhe 2.3. kopjet e dokumenteve që provojnë plotësimin e kushteve për aplikim të përcaktuara në shpalljen e konkurrimit dhe të deklaruara në aplikacion”.*

Bazuar në dispozitat e cekura më lartë, e që kanë të bëjnë me kërkesat për pranim në shërbimin civil, Kolegji i Këshillit, konstaton se në bazë të provave të lëndës, ankuesja aktualisht nuk është duke ushtruar ndonjë pozitë të zyrtarit publikë/shërbimit civil, mirëpo sipas provave të lëndës konkretisht dokumentacionin që ka dorëzuar ankuesja me rastin e aplikimit, rrjedh se e njëjta nga data viti muaji qershor 2016 deri me datën 27.07.2023 ka punuar ne sektorin privat ku lidhur me përvojën e punës ka dorëzuar dëshmi konkretisht Pasqyrën e Llogarisë se Trustit Pensional për periudhën 11.01.2015 deri me datë 27.07.2023, andaj edhe përkundër kësaj se e



njëjta ka punuar ne sektorin privat nuk ka ofruar një vete deklaram të nënshkruar nga ajo me te cilin dëshmohet se ajo nuk ka një mase disiplinore në fuqi për largim nga një pozite e zyrtarit publik të pushuar sipas Ligjit Nr.06/L-114 për Zyrtar Publik ashtu siç është kërkuar ne konkurs.

Kolegji për shqyrtimin e ankesave ka konstatuar se ankuesja, me rastin e parashtrimit te ankesës në Këshillin e Pavarur Mbikëqyrës për Shërbimin Civil të Kosovës ka dorëzuar edhe dëshmi tjera, konkretisht ka dorëzuar Vetdeklaraten e datës 23.08.2023 me te cilën ka dëshmuar se nuk ka një mase disiplinore ne fuqi për largim nga një pozite e zyrtarit publik te pushuar sipas Ligjit Nr.06/L-114 për Zyrtar Publik, mirëpo të njëjtën nuk e ka dorëzuar me rastin e aplikimit për emrin e grupit „Specialistë të Përgjithshëm të Shëndetësisë/Mjekësisë“ respektivisht për pozitën „Inspektor i Shëndetësisë“ të shpallur sipas konkursit të datës 11.07.2023 me numër referencë: RN00012041 nga Ministria e Punëve te Brendshme, ashtu siç përcaktohet me dispozitat e nenit 12 të Rregullores (QRK) Nr.16/2020 për Pranimin dhe Karrierën në Shërbimin Civil të Republikës së Kosovës, ku ky fakt është vërtetuar edhe ne bazë te dëshmimeve te ofruara nga organi i punësimit gjegjësisht në bazë të aplikacionit të saj dhe po ashtu edhe në bazë të përgjigjes ne ankese të datës 12.10.2023 të dërguar nga DMZP, ku ankuesja me rastin e aplikimit nuk ka bashkangjitur dokumentet te cilat nevojiten për te dëshmuar se i plotëson kriteret e konkursit .

Nisur nga baza ligjore e përmendur si më lartë dhe nga vlerësimi i provave të lëndës, respektivisht dëshmitë e dërguara nga ankuesja me rastin e aplikimit, rrjedhë se ankuesja nuk ka përmbushur kriteret për të kaluar fazën e verifikimit paraprak ngase nuk ka dëshmuar me prova materiale Dëshminë konkretisht vetdeklarimin e nënshkruar nga ajo se nuk ka mase disiplinore ne fuqi për largim nga pozita e zyrtarit publik, rrjedhimisht Kolegji i Këshillit, konstaton se vendimi i kundërshtuar me ankesë respektivisht Vendimi DBNJ Nr.27/2023 i datës 29.08.2023 i Zëvendësueses së Udhëheqëses së Divizionit për Zhvillimin e Rekrutimit dhe Inspektimit është i drejtë dhe i ligjshëm, sepse i njëjti është nxjerr në frymën ligjore dhe mbi bazë të gjendjes faktike dhe duke u respektuar kompetenca dhe hierarkia ligjore e përcaktuar me nenin 34 paragrafi 7 të Ligjit Nr. 06/L-114 për Zyrtarët Publikë, nenin 12 paragrafi 2 nën paragrafi 2.3, nenin 15 paragrafi 5 dhe 6 të Rregullores (QRK) Nr.16/2020 për Pranimin dhe Karrierën në Shërbimin Civil të Republikës së Kosovës dhe se i njëjti është i arsyetuar në pajtim me dispozitat e nenit 48 të Ligjit Nr. 05/L-031 për Procedurën e Përgjithshme Administrative.

Kolegji i Këshillit, nga konstatimi si më lartë, thekson faktin se me vendimin e kundërshtuar me ankesë, ankueses nuk i është cenuar asnjë e drejtë nga e drejta për t'iu nënshtruar procedurave të tjera të pranimit ngase obligimi për të dorëzuar dokumentacionin së bashku me aplikacionin është obligim i kandidatit, si rezultat i kësaj Kolegji i Këshillit konstaton se të gjitha pretendimet e ankueses janë të pabazuara për shkak që nuk gjejnë mbështetje ligjore dhe faktike, sepse refuzimi i aplikacionit të ankuesit nuk është bërë për shkak të mos plotësimit të kriterëve në aspektin e përgatitjes profesionale apo në aspektin e mos përmbushjes së përvojës së punës por është bërë vetëm që nuk ka dorëzuar dëshminë e cekur si ma lartë.

Andaj, pas analizimit dhe vlerësimit të të gjitha shkresave të lëndës si dhe duke u bazuar nenin 6 paragrafi 1, nën paragrafi 1.1 si dhe nenin 18 paragrafi 1 nën paragrafi 1.1 të Ligjit Nr.06/L-



048 për Këshillin e Pavarur Mbikëqyrës për Shërbimin Civil të Kosovës, Kolegji i Këshillit vendosi si në dispozitiv të këtij Vendimi.

Vendimi hyn në fuqi në ditën e nënshkrimit nga Kryetarja e Kolegjit.

**Këshillë juridike:** Kundër vendimit të Këshillit, pala e pakënaqur e cila pretendon se vendimi i Këshillit nuk është i ligjshëm mund të iniciojë konflikt administrativ në Gjykatën Themelore në Prishtinë-Departamenti për Çështje Administrative, brenda afatit prej tridhjetë (30) ditësh, nga dita në të cilën i është dorëzuar vendimi. Inicimi i konfliktit administrativ nuk e ndalon ekzekutimin e këtij vendimi.

**KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS**  
Lënda me numër A.nr.1180/2023

Rushit Kajtazi



Procesmbajtës

Malsore GASHI - BAJRAKTARI



Kryetare e Kolegjit

**Vendimi i dërgohet:**

- Ankueses
- Departamentit për Menaxhimin e Zyrtareve Publik; dhe
- Arkivit të KPMSHCK-së.